

LA ROCO DE BETELÈN

La Vierge

Bon Jousè siéu fatigado ;
Fai lou tour de Betelèn,
E cerco dins la bourgado
Quauque ami, quauque parent.
Dóu moumen siéu à la toco,
Es tou-aro miejo-nue :
Fau pas sus aquesto roco
Em la fre passa la niue.(bis)

Podes me leissa souleto,
N'ai pas pou, porte moun Dieu ;
Ço que fas pèr la meireto,
Moun ami, lou fas pèr eu.
Tu saras sous segound paire,
Saras noste gagno-pan ;
Lou veses, la pauro maire
N'a pas rèn pèr soun enfant.(bis)

Jousè

Ges d'ami dins la bourgado ;
Sian paure, tout es louga.
Ai parla d'uno acouchado,
Mai n'ai res poussu touca.

La Vierge

E pamens siéu à la toco,
Es tout-aro meijo-niue...
Fau dounc sus aquesto roco
Em la fre passa la niue.

Jousè

En davalant la coulino
Trouvaren un vièi casau ;
l'a cent an qu'es en rouïno,
Belèu tèn encaro un pau...
O ma sorre, que sies palo !
Tout-bèu-just te ganderay:
Mete man sus moun espalo,
Pèr i'ana t'ajudaras.

La Vierge

Voudrié bèn, ta pauro maire,
Enfant Dieu, t'oufri 'n palais,
Mai perqué lou vou toun Paire,
Aquel estable me plais.
Lou sente, siéu la toco,
Intren lèu, o moun bèu fru !
S'aven leissa nosto roco,
Es mens pèr nous que pèr tu.